

uniud, cernic

De Provincie

Diplomis a Gurize

Il tierç e penultin incuintri dal projet culturâl "Tra scrittura e traduzione", inmaneât dal Servizi Identitâts linguistichis de Provincie di Gurize, al à fat miercus ai 18 di Avrîl di sfont ideâl ae cerimonie di consegna dai diplomis ai dipendents de publiche amministrazion che dilunc dal 2006 a àn frequentât i cors di furlan e di sloven. Tal specific, lis ativitâts didatichis in marilenghe, organizadis de Provincie di Gurize, adun cu la Societât Filologjiche Furlane e la Universitât dai Studis di Udin, a son stadis trê: un cors di interazion e produzion orâl di une durade di 20 oris; un cors di nivel avanzât di 31 oris e un



laboratori specialistic di 32 oris. Il numar totâl dai participants al è stât di sessante corsiscj. Di chescj, trentevot di lôr, miercus 18, si son viodûts premiâ par un sfuarç che - e à marcât la assessore al ambient **Mara Cernic** - al è un segnâl impuartant stant che al mostre l'interès di une persone viers une cressite culturâl personâl. In chest câs la discuierte dal

savê, traviers di chescj cors, e à metût al centri no dome une alfabetizazion di fonde dal furlan e dal sloven e, intun cors plui avanzât, un lôr aprofondiment linguistic, ma ancje il studi dal lengaç tecnic aministratîf di chestis lenghis al à vût une part impuar-

tant. La marilenghe - al è stât di fat marcât - e tint di fat a jessi doprade simpri di plui tai sportei cul public.

G.Z.D